

Filemɔ Tudunmɔɔ Pɔli ya sɛmɛ wemu tun Filemɔ mu ge

Jɔgɔ wu jɛ Filemɔ wɛ?

Kolose shɛn wu jɛ Filemɔ, na jɛ sanha li see sipya wa. Pɔli w'a Yesu Kirisa wo Jozaama pu jo wu mu, a wu pu logo, na dɔ pu na, na bye n'a daa fɔɔ. Wee kaban n'a daa fɛɛ p'a bi puyɛ pinnɛɛ na Kilɛ pɛlɛ. Tuun wemu ni Pɔli bye Oromɛ ni wu kaso lezhiinɛ li ni ge, wee tuun wu ni w'a we sɛmɛ we ka na tun Filemɔ mu. We sɛmɛ we ni Kolose shɛɛn wo wu taatunɔɔ ya laha kiyɛ na wɛ.

We sɛmɛ we kakana jɔnɔ

Bulona wa bye Filemɔ mu wu mɛgɛ di jɛ na Onɛzimu, wee bi kakuunɔ la pye, na baa. Taashiinɛ li ni bulo bɛɛri w'a paa ge, pu bu wu ta co, pu bi da jɔ wu gbo bɛ.

Ba w'a paa wɛ, na shɛ saha ni Pɔli ni Oromɛ kugbɔɔ li ni, a wee di Kilɛ Kafila jo wu mu, a w'i dɔ Yesu na, na bye Kiricɛn. A wu Pɔli tɛgɛ a p'i ganha na Kirisa wo Jozaama pu yu. A Pɔli di li ta l'a pɔrɔ Onɛzimu wu kuri pa wu kafɔɔ Filemɔ mu, p'i ba bɛ, p'i bye shiizhan. A w'i yi jo Filemɔ mu na wu ganha bu kakuunɔ la shishiin pye Onɛzimu na wɛ, ga na wu wu co Kirisa wo karijɛɛgɛ ki ni ba wu ceboro jɛ wɛ. Onɛzimu mɛgɛ ki kɔri wu jɛ na: «Kajɔɔ». Ga w'a pa wuyɛ yaha «Kajɔɔ baa» Filemɔ mu tuun wa funɔɔ ni. Ga Pɔli ya li shɛ Filemɔ na na wu kajɔɔ

wa wee Pɔli mu, na ƚe Filemɔ be mu nime (Filemɔ 1).

Pɔli ya li she we semε we ni na buloo ni pu kafεε beeri pu ƚe nigin, na pu beeri pu ƚe cebooloo Kirisa wo kariƚεεge ki ni. Pɔli ya li sha Filemɔ mu na wu sɔɔ Onεzimu na, wu wu co ba wu ceboro ni wu taanƚii ƚe we.

Sεmε wu kafila ƚugbɔyɔ

Filemɔ 1-3 Pɔli fò ni wu baraga daha mujuu.

Filemɔ 4-7 Pɔli ya Filemɔ wo n'a daa wu sɔ.

Filemɔ 8-22 Pɔli ya Filemɔ kemε ƚεeri Onεzimu keree na.

Filemɔ 23-25 Pɔli ni wu taanƚiinεε fò mujuu.

Pɔli fò mujuu

¹ Nε Pɔli we p'a le kaso ni Yesu Kirisa wo mεge ki kaa jo na ge, nε ni na ceborona Timote, wεe p'a we semε we tun wù labyeƚii, wù taanƚii Filemɔ mu. ² N'a daa fεε piimu p'a puyε pinnεε ma puga ki ni ge, na wu tun pee be mu, na wu tun wù ceboroshɔ Afya mu. Wù ceborona Arishipi wemu w'a kanhama pu ƚaa ni wù ni shiizhan labye wu feni ge, ni wee be.

³ Wù To Kile ni wù Kafɔɔ Yesu Kirisa wu niimε ni ƚaƚiƚε kan yi mu.*

Pɔli ya Filemɔ wo taanƚεεge ke ni wu n'a daa wu kaa logo

⁴ Na ceborona Filemɔ, nε ba da Kile ƚεeri tuun beeri ni, nε ma na fungɔngɔ yaha mu na, na baraga taha wu na mu wuu na. ⁵ Bani mu ya dà Kafɔɔ Yesu na dagana lemu na ge, na n'a daa fεε pu beeri co ni

* **1:3** We duba we ƚε Kiricεen fò kangana.

taanɲεεge kemu ni ge, yee beeri ya nɔ ne na. ⁶ Lee wuu na, ne Kile ɲεeri mu mu, kɔnhɔ n'a daa wu wo kariɲεεge ke k'a wù pinne ni ma ni ge, la di fara kee na. Lee di bye kaɲɲɔ, kasaɲaa kiimu beeri ki wa wù mu wù ɲiifεεε ti ni Kirisa ni ge, m'a kee beeri ce. ⁷ Na ceborona Filemɔ, taanɲεεge ke ki wa mu ni ge, k'a lowaa le Kile wo nagoo pu beeri ni. Lee ya ne funɲɔ taan, na ne luu ɲiɲε fo xuuni.

Onɛzimu wemu wu bye Filemɔ wo bulo ge, Pɔli ya Filemɔ ɲεeri wee wo keree na

⁸ Lee wuu na, na ceborona, keree kiimu beeri mu ya yaa na pye ge, Kirisa wo kariɲεεge ki funɲɔ ni, ne bi da já mu karamu mu wu ki pye. ⁹ Ga yani ne wu lee pye ge, ne yaa na mu ɲεeri taanɲεεge ki wuu na. Ne Pɔli, ne ɲeri nɔhɔle, lee na laha wà, ne ɲε kaso ni Yesu Kirisa mεge ki wuu na. ¹⁰ Onɛzimu wo shizhaa na n'a da ma ɲεeri. Kirisa wo kariɲεεge ki funɲɔ ni w'a ɲeri ba ne ja ɲε we, kaso gbaha ki ni naha. Onɛzimu mεge ki kɔri wu ɲε kaɲɔ. ¹¹ Ne kunni ya ce na jo wu ya yaaga ɲɔ mu na taashiine li ni we. Ga nime, ne fara mu na, w'a keree ɲɔgi wèe beeri na. ¹² Lee wuu na, n'a da wu yaha zhe ma yiri. W'a ɲeri ba neye pyaa munaa shige ɲε we. ¹³ Ne kunni la bye di wu yaha naye taan naha. Kile Jozaama pemu wuu na di ɲε kaso wu ni ge, wu bye wee ma tεge, wu da kapyenεε pyi na mu. ¹⁴ Ne funɲɔ wa di kaa la shishiin pye lemu ya be ma mu we. Ne funɲɔ wa di ma karamu le kasaana le wo bye na we. Ga ne funɲɔ wa li bye di she da w'a pye maye pyaa ɲidaan.

¹⁵ Ma na zhe li ta mu ni Onɛzimu ya laha yiyε na ɲεεε ye nigin funɲɔ ni, kɔnhɔ wu guri pa nɔ ma na,

wu gori yaha ma mu gbee. ¹⁶ Ga nime, wu ne nago kanna bulo wu ne sanha we. Wu tayerege ya pele bulo wogo na. Wu co ni taan nege ni, m'a wu co ma ceboro. Wu kaa kunni ya dan ne ni fo xuuni, ga wu kaa kuuni ya yaa na dan mu ni na toro ne taan, bani sipya wu ne wii, na noho pye Kirisa wo.

¹⁷ Wee tuun wu ni, ma bu da m'a sii na ne wii ma nani yee pyaa pyaa, m'a yaa ma Onzimu co ba ma da naye pyaa ki co we. ¹⁸ Li bu she da nago w'a kaa la kyee gi ma mu, kelee ma foo ne wu na, lee yaha ne kace na. ¹⁹ Ne Poli yee pyaa k'a ye ka na ke ne ki na jo ne na ba lee beeri foo to ma mu. Ne foo le li wa ma na ge, ne funno wa nago di ma funno tirige ni lee kaa ni we. Lee foo le, lee ne muye pyaa kee. ²⁰ Na ceborona, n'a ma neeri ma no maye na, m'a le kasaana le pye na mu Kafoo wuu na. No maye na m'a na funno jine, kari nege kemu ni wu wa Kirisa ni ge, kee mege na. ²¹ Ne da li na nago ne bu kaa lemu neeri mu mu, mu na lee pye ne mu; lee wuu na ne ye ka na tun mu mu. Ne da li na sanha nago keree kii ne jo mu mu ge, mu na kee beeri pye fo na doro be ne wo nijogoo ki taan.

²² Ayiwa, lee kadugo na m'a tashongo ka keree pye na mu, bani ne da li na yi wo nege ki funno ni jo pu na ba na yaha yi mu cana ka.

Poli ni wu taanyiine fò mujuu

²³ Na kaso lejii Epafirasi we wu ne kaso ni Yesu Kirisa mege ki wuu na ge, wee ya ma shaari. ²⁴ Na labyenii pusamaa be, Marika, ni Arisitaaki, ni Demasi, ni Luka, pee beeri ya yi shaari. ²⁵ Kafoo Yesu Kirisa wu niime kan yi mu.

KARINĒĒGE NŌMĒE NIVONŌ
New Testament and Shorter Old Testament in
Senoufo, Mamara

copyright © 2014 Wycliffe Bible Translators, Inc.

Language: Mamara S noufo (S noufo, Mamara)

Translation by: Wycliffe Bible Translators

Contributor: Wycliffe Bible Translators, Inc.

  2014-08-10, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 21 Feb 2024 from source files dated 29 Jan 2022

85728ed7-78f8-58e8-8967-0e976c0c2423